


東莞歷代著作叢書

莞城圖書館編 楊寶霖主編

上海古籍出版社



今

軒

集

四

【明】陳璉撰

圖書在版編目(CIP)數據

琴軒集 / (明) 陳璉撰; 楊寶霖整理. —上海: 上海古籍出版社, 2011. 7

(東莞歷代著作叢書)

ISBN 978 - 7 - 5325 - 5929 - 9

I. ①琴… II. ①陳… ②楊… III. ①古典詩歌-詩集-中國-明代 ②古典散文-散文集-中國-明代 IV. ①I214.82

中國版本圖書館 CIP 數據核字(2011)第 091267 號

ISBN 978-7-5325-5929-9



東莞歷代著作叢書

琴軒集

(全四冊)

[明]陳璉 撰

楊寶霖 整理

上海世紀出版股份有限公司 出版

上海古籍出版社

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.cc

上海世紀出版股份有限公司發行中心發行經銷

安徽新華印刷股份有限公司印刷

開本 889 × 1194 1/32 印張 68.875 插頁 24 字數 540,000

2011 年 7 月第 1 版 2011 年 7 月第 1 次印刷

印數: 1 — 1,800

ISBN 978 - 7 - 5325 - 5929 - 9

I · 2349 定價: 308.00 元

如有質量問題,請與承印公司聯繫

重刻琴軒集卷第二十六

墓誌銘

孫梅雲巔校字

故資政大夫靖江相府右相李公墓誌銘

公諱質字文彬號樵雲姓李氏其先開封祥符人在宋季有仕
于德慶者因家焉公生穎悟有大志蚤知嗜學經史子集無不
讀讀輒記憶既長遭元季多故與時落落不合遂家居不出日
與弟文昭放情山水以詩酒自娛居無何中原擾攘嶺海多事
公起構義兵捍鄉里及德慶路陷士民遑遑無所依戴推公入

琴軒集

卷一

守之日夜浚城隍繕甲兵握險要以遏他寇由是一路賴之以
寧時據鄉邑者多刻剝殘忍公嘗戒麾下非遇敵毋妄殺或執
敵人來獻率給衣糧縱之去雖富饒急於賑施三族與鄉里流
寓之貧者咸有所仰以故一時名士如建安張智茶陵劉三吾
江右伯顏子中羊城孫仲衍王彥舉皆聞風來歸及

大明皇帝定鼎金陵遣師南討洪武戊申四月平章廖公永忠
叅政朱公亮祖總師至公遂散麾下全城歸附總兵遣使入奏
上嘉公忠誠召至慰勞再三賚予優渥就擢中書斷事越明年

已酉轉都督府斷事階奉訓大夫皆能執法丞相都督咸敬憚之五年壬子授刑部侍郎階中順大夫尋陞本部尚書階嘉議大夫尤慎於刑獄盡哀矜之情致淑問之頌寬猛適中爲

上所知日益親幸時開行省於淞江

上念厥地素重號稱難治宜簡廷臣有德望才器者往綏之卽拜公淞江行省叅知政事階中奉大夫是年秋九月也下車首以承流宣化爲已任振紀綱正風俗勸農桑興學校舉遺賢卹民隱知無不爲爲無不力居三年惠流兩淞厥績以懋聲聞于

琴軒集

卷二十六

二

上

天子念公老召還致政于京師嘗入見賜坐便殿訪以時政得失直言無隱

上益重之八年乙卯冬十月復起爲靖江相府右相階資政大夫有敕獎諭甚至公益思竭誠以盡輔導之職嘗入覲因奏乞歸省先隴

上可其請王親揮翰賦詩以賜復命藩憲元僚與府中官屬宴餞漓江之許人莫不以爲榮後王坐事去國公隨終焉公美風

儀性孝友治家有法接人以誠雖極顯融情素冲淡暮年尤工於詩有樵雲集若干卷生於元延祐丙辰三月十一日卒於洪武庚申閏五月某日初權厝金陵聚寶山後某年某月某日歸葬鄉之清秀里布山之原祖廣孫累贈嘉議大夫禮部尚書父熙春累贈中奉大夫浙江行中書省叅知政事祖妣孔氏贈淑人妣林氏贈夫人公凡三娶先梁氏次石氏俱贈夫人汪氏封夫人弟文超學識優長隱德弗耀子四人曰恒曰震曰復曰頤皆知學好禮惟震有詩名孫男四人公瑾公瑜公瓛公玖女三

琴軒集

卷二十一

三

人梁仕貞梁明理嚴公敏其壻也孫女二人次第公之行實來
速銘者卽震也於戲自元綱解紐海寓兵爭乘時奮者莫不剝
下自封樹威肆毒少知推一毫爲利人事公能仁其族屬以及
於衆視彼之暴豈直相萬哉及一時與公全城來歸者鮮克有
終惟公踐歷中外官至卿相忠義著 朝廷聲名滿天下勳垂
竹帛德在人心五福備膺子孫蕃衍非先世積善之深公存心
之厚何以臻於是耶銘曰

巍巍李公世爲粵人積善旣久鬱而未伸族大而蕃實自公

始值元鼎沸保障鄉里公之庇民如室斯宇公之好賢誠出
肺腑 聖明御曆威讐四夷公散其徒全城來歸 帝嘉厥
誠錫以祿秩尋陞秋官克殫忠赤後叅大政于浙之中威德
交孚聲聞 上聰致仕于朝出于寵渥時有敷陳多所裨益
逮居相國有諤其言直雖不容此志則完之身云亾之德弗
替慶流綿綿式延後裔清秀之理布山之阡勒銘貞石垂美
萬年

故榮祿大夫右軍都督府同知李公墓誌銘

公諱敬姓李氏世爲常州宜興人曾祖某祖某父諱尹 國朝
洪武初以武功歷龍虎衛副千戶階武畧將軍遷燕山中護衛
以征傷疾作公嗣其職事

太宗文皇帝于潛邸小心謹慎聲邁同列屢嘗隨侍迤北征進
勞績甚著洪武三十五年奉天征討克大寧取大同廣昌蔚州
若鄭村塢東昌夾河藁城西水寨諸處鏖戰皆有功累官至本
衛指揮同知尋陞神武衛指揮使三十四年冬十一月陞都指
揮僉事留北京管事三十五年秋九月隨侍 趙王至南京求

樂二年陞四川都指揮使階龍虎將軍十三年保縣羌民鄭克泰作耗奉旨討之殲厥黨與生擒克泰械送行在及復命

文皇顧謂左右曰李敬是朕舊頭目獎諭再三陞右軍都督府同知進階榮祿大夫詔馳驛回四川掌都司事尋奉敕書鎮守四川仍掌都司印公感激圖報愈力後戎縣民嘯聚爲盜聞公統兵至望風奔潰獲其首惡數人誅之餘黨悉平二十一年春三月以目疾弗克視事明年八月取赴北京洪熙元年春回南京支俸養疾宣德六年辛亥十一月初二日卒于正寢距所生

辛丑五月十三壽七十有一訃聞

上與親王各遣官致祭賜以白粳麻布復命工部造墳墓以明年壬子二月初七日葬大王山之原卯向配孫氏夫人先公卒今祔于墓次側室杜氏丈夫子四長昇孫出也次旻次昌次昂皆杜出女三成都前衛指揮使孫泰百戶張福及周全其壻也孫男二雲霖孫女三公爲人機警知讀書富材識事親孝謹處弟謙祥友愛逮嗣職卓然有爲及出鎮大藩威行惠流軍民輯睦至其總戎行鞠師旅號令嚴明所向輒克蓋有古良將風焉

是宜受知

列聖茂建勳名保有祿位慶延後人也永樂甲辰予長憲四川
悉知公之德政今具行實來徵銘烏得辭哉銘曰

毘陵李氏夙著令譽武畧奮興職長千夫公嗣而起適逢

景運克展才猷克殫忠藎尋擁旌節出鎮雄藩威暢惠流類
古名臣胡不憖遺爲國柱石奄然而歸孰不傷靈生膺顯秩
歿有餘榮昭勳焯德斯銘足徵

署都指揮僉事張君墓誌銘

君諱鍇字廷輝姓張氏世爲鳳陽臨淮人曾大父理正大父興
由伯父少師隆平侯貴俱追贈奉天靖難推誠宣力武臣特進
榮祿大夫少師隆平侯妣朱氏詹氏俱贈太夫人父諱毅字仲
剛由奉天征討功累官至都指揮僉事秩昭勇將軍妣王氏封
太淑人昭勇公嘗奉 命鎮守定州有招徠撫綏功永樂八年
正月九日卒于官是年秋七月君以胤子襲職時
聖駕巡狩北京

仁宗居東朝監國兵部官題啓敬授府軍衛世襲指揮同知十

一年正月十五日管領旗手等衛官軍護送 仁宗皇后梓

宮至北京是歲冬十二月十有二日欽奉仍管原領官軍回南

京十五年二月 欽賜誥命褒崇階懷遠將軍十七年三月

管領錦衣等十衛官跟隨馬都督往江西公幹本年四月回衛

管事守衛 皇城四門宣德十年

欽陞署都指揮僉事仍於南京操備君爲人慷慨尚志節涉獵

書史而善騎射有文武才畧逮襲職居環衛有年小心敬慎克

稱厥職處同寅待裨校馭士卒咸適厥宜戎政脩明聲譽日著

琴軒集 卷二十六
都城達官貴人莫不禮重之宣德六年調湖廣衡州衛持已涖政一如府軍時恩敷威行軍民輯睦上下交譽之未幾復回原衛人皆不忍舍去其德政之感人者類此及署都司職專操備方感激圖報以紹先烈不意一疾弗起實正統四年己未三月二十日距所生洪武十八年乙卯八月初十日得年五十有五縉紳君子皆惜之是年四月二十五日葬應天府江寧縣朱門鄉英山村均嶺之原娶孫氏封淑人有賢行子男五長泰側室尤出次洪冲澄海李山女九長淑全適左軍都督劉公次子昇